



Шочмо эл, порылык да чын верч!

Будь готов!

17-ше (3613) №,
2023 ий 28 апрель,
кугарня.



1933 ий 1 февраль годсек лектеш.

«Уста туныктышын – туземшыже чолга»



Авторын фотожо.

Тыгай сылнымут конкурсым «Ямде лий» газет редакций да «Марий Эл» кугыжаныш телерадиокомпаний пырля эртаренна. Марла чаткан возышо, сылнымутым йоратыше туземше-шамыч деч икмынар паша пурен. Икте туныктышо дене кугешна, весе тудын гай лияш шона. Туге гынат чылаштым ик шонымаш уша: туныктышо – кокымшо ава гай поро чонан польшкалыше, энергыш.

Сенгыше-влакым «Марий

Эл» ГТРК-ште саламленна. Снимкыште 9-11-ше класслаште туземше-влак коклаште сенгышыш лектешамычым ужыда. Тиде И.С.Палантай лумеш тувыра да сымыктыш колледжын Национальный сымыктыш гимназийже гыч Никита Калитов воспитатель Э.М.Исакова дене да Морко район Коркатово лицейын туземшыже Костя Никифоров туныктышо Н.В.Аркадьева дене пырля улыт. «Марий Эл» ГТРК-н пашаенже М.А.Григорьева (снимкыште покшелне)

1-4-ше класса коклаште У Торъял район Немда школын туземшыже Кирилл Лебедев сенгышыш лектын (туныктышо – Е.А.Мосунова).

Ты школ гычак Тимур Веселов 5-8-ше класслаште туземше-шамыч коклаште чылам ончылтен (туныктышо – Э.А.Домрачева).

рвезе-шамычым телевидений, радио сомыл дене палымым ыштен.

Тыгаяк чолга, сылнымутым йоратыше лийза. Сенгынам дене ончыко ошкылза.

Е.ИВАНОВА.

ПОДПИСКЕ

Пагалыме лудшына-влак,
2023 ийын кокымшо
пелыйжылан подпискым
ышташ вашкыза.

«Ямде лий» газетлан **ПОЧТО
отделенийште,
podpiska.pochta.ru** сайт
полшымо дене возалташ
лиеш.

Индекс – П4696.

Ак – 403 тенгеат 32 ыр.

**Редакцийыш толын
возалтын кертыда.**


Ак – 150 тенге.

Подпискым
ыштыше-влак
коклаште лотерей
модыш эртаралтеш.



Рекламе.

Рүдолаште – гармонь йүк



Авторын фотожо.

Республикысе марий тўвыра рүдер «Изи гармоньчо» регион-влак кокласе йоча фестивалым Марий самырык театрыште эртарен. Тудо Туныктышын да наставникын идалыкыштан пөлеклалтын. Тушто Морко, У Торъял, Паранга, Марий Турек, Волжский, Звенигово районла, Йошкар-Ола, Башкортостан Республик Мишкан, Калтаса районла гыч калык семўзгар дене шоктышо ансамбль-шамыч да ўдыр-рвезе-влак туныктышышт дене пырля мастарлыкыштым тергенит. Сценыште могай гына семўзгарым шоктен огытыл?! Гармонь, тальянке, тўмыр, совла, шиялтыш, шўвыр, күсле, шўшпык ончаш толшо-влакын кумылыштым нөлтенит. Изи артист-шамычлан дипломым да пөлекым кучыктенит.

Х.АЛЕКСАНДРОВА.

Снимкыште: Марий Турек район Кугу Карлыган ял гыч гармоньчо-влак – туныктышышт В.Н.Филиппова дене пырля.

Историйым шергалына

1945 ий 2 майыште маршал-влак Г.К.Жуков ден И.С.Коневаын вуйлатыме войска-шамыч Берлиным тўрысnek сеҗен налыныт.

«Ночь географии» тў-Акций

нямбал акций **2-4 июнь-ышто** эртаралтеш. Тудо Педагогын да наставникын идалыкыштан пөлеклалтеш. Ушнаш шонеда гын, night-georgo.ru сайтыште **25 май марте** йодмашым пуыман.

Суапле паша

Волжск олесе А.С.Пушкин лўмеш 9-ше номеран школысо «Родина» военно-патриотический клубыш коштшо ўдыр-рвезе-шамыч (**снимкыште**) поро пашама ышташ шўман улыт. Нуно йоча да самырык-влакын «Движение Первых» российскийсе толкыныштын эртарыме «Защитные сети»



Фотом интернет гыч налме.

а к ц и й ы ш к е ушненит. Тунемше-шамыч маскировочный вапшым пидыныт. Тудо салтак, саргурал, сарзе техник-влакым тушман деч шылташ полша. Йолташ-шамыч, театтыгай суапле пашашке ушныза.

Х.ТОКПУЛАТОВА
ямдылен.

Российысе увер

5-11-ше класслаште

тунемше-влак да студент-шамыч, «Семейная память» всероссийский конкурс ушныза. Ешдан Кугу Ачамланде сар годсо историйжым радамлэн, шымлыме пашам возыза. Тўрыс увер – семейнаяпамять.рф сайтыште.

«Дом моей мечты»

всероссийский конкурсшто **3-17 июнь** ўдыр-рвезе-влак мастарлыкыштым ончыктен кертыт. Тўрлө техникым кучылтын, мотор пўртым сўретлен, **конкурс**. ruskomstroy.ru сайтыш **15 май марте** колтыман.

Кумылан кажне ег

«Читаем А.С.Пушкина»

тўнямбал видеоролик конкурсшто усталыкышым терген кертеш. Пашам «ВКонтакте» соцкылысе «Конкурс видеороликов «Читаем А.С.Пушкина» тўшкаш колтыман.

Марий Элысе увер

Драматический коллектив-влакын «Каскад» республикысе фестиваль-лабораторийыште Марий Эл да Киров ола гыч кандаш театр коллектив мастарлыкышым терген. Медведево тўвыра да каныме рүдерын «Маска» калык самырык театрже **Гран-прим** сеҗен налын.

4-11-ше класслаште

тунемше-влак, всероссийский сочинений конкурс регионсо йыжынгышкыже ушныза. Шочмо тўвыра нерген рушла возыза але руш тўвыра нерген марла серыза. Конкурс **12 май марте** шуйна. Тўрыс увер – edu.mari.ru сайтыште.

«Стань журналистом»

республикысе конкурсшто **9-11-ше класслаште** тунемше-влакым ушнаш ўжыт. Келшыше теме дене текстым рушла але марла возыман да konkurs_jur@mail.ru адрес дене электрон почтыш **6 май марте** колтыман.

Ўжса веле, миена!



Авторын фотожо.

Пампалче молгунамсе семынак йоча-влакын кумылыштым нӧлталыныт. Икшыवेशамыч шкешт нерген палдареныт. Юлиана Крылова Морко район Коркатово ялыш унала кошташ йӧратымыш нерген ойлен. Захар Никишов «Ямде лий» газет редакцийн эртарыме «Кайык ўстел» фотоконкурсшыкыжо ушнен. Газетыште савыктыме фотожым ужмекке, моткоч куанен. Тудым ончен, молат конкурсыш ушненыт. Тыгай вашлиймаш йочалан кўлешан да пайдале. Ўжса веле, ме уло кумылын миена!

Е.ИВАНОВА.



Ме, «Ямде лий» газетын пашаенже-влак, икверыште огына шинче. Тўрлӧ школышто вашлиймашлам эрта рена, йоча-влак дене палыме лийына. Ты гана Йошкар-Оласе 21-ше номеран Семёновка школын 1-ше «Г» ден «Д» (снимкыште) клас-

слаште тунемше-шамыч дене вашлийына. Нуным О.В.Леонтьева ден Е.А.Сokolova туныктат. Ўдыр-рвезе-влак икымше класшыште веле тунемыт гынат, йоча газет нерген шинчымашышт куандарыше. Ме газет илыш, юнкор паша нерген палдаренна, тўрлӧ модыш дене модыктенна. Эчук ден

кишов «Ямде лий» газет редакцийн эртарыме «Кайык ўстел» фотоконкурсшыкыжо ушнен. Газетыште савыктыме фотожым ужмекке, моткоч куанен. Тудым ончен, молат конкурсыш ушненыт. Тыгай вашлиймаш йочалан кўлешан да пайдале. Ўжса веле, ме уло кумылын миена!

Ныл йылмым тунемам

Мый 2-шо номеран Морко школышто 3-шо классыште тунемам. Коваем мыланем тыге ойла: «Мыняр шукрыак йылмым палет, тунар гана айдеме улат». Тудын шомакшым колыштын, мый кызыт ныл йылмым тунемам. Аваем – марий, мыйым марла мутланаш кумыланда. Школышто марий йылме урокышко куанен коштам. Ачам ден кочам татар улыт. Нунын почеш татарла ойлаш тыршем. Уроклаште руш да англичан йылме-влакым кыртмен тунемам.

Раиля ГАЛЛИМУЛИНА.

Тау, «Ямде лий»!

Мый кажне арнян шуматкечым вучем. Молан шонеда? Тиде кечын йӧратыме «Ямде лий» газетем толеш. Мый тудым ик буква кодде шергалам. Кугарнян Марий Эл Радио дене «Ямде лий» дене йолташ лий» передаче йонга. Латик шагатлан мый школышто улам, садлан уэш колтымыштым рушарнян колыштам. Эчук ден Пампалчын огай ен-влак дене мутланымаш моткоч келша. Передачыште мыят уна лийынам. Тунам кугу пиалым шижынам. Тау тыланет, «Ямде лий» газет. Пашат тўвыргӧ лектыш дене куандарыже. Лудшет-влак ий гыч ийыш шукемышт.

Юля ЯГОДАРОВА.

Советский, Кельмаксола.

Келшен илена

Мый Морко район Энерсола школын кокимшо класшыштыже тунемам. Класшыште индешын улына: ныл рвезе, вич ўдыр. Ме келшен, вашла полшен илена. Мыланем математике, музыка да рисований урок-влак келшат. Яра жапым йолташем-шамыч дене пырля пайдалын эртарена. Шашке, шахмат дене модына.

Мария ВАСИЛЬЕВА.



Юл кундем федерал округысо тунемше-влакын уш-акылым тергыше олимпиадыштын пытаргыш йыжынже Пермь олаште эртаралтын. Тушто ўдыр-рвезе-влак вич направлений дене шинчымашыштым тергеныт. Марий Элын командыже «Робототехника» да «Программирование беспилотных летательных аппаратов» конкурслаште сенгышыш лектын.

Пӧлекым ямдылена

Пӧтъял школ пеленысе «Рукодельница» кружокым Д.А.Бессонова вуйлата. Тушко латик тунемше коштына. Тўрлӧ поделкым ыштена, ургымо машина дене ургаш тунемына. 23 февраль, 8 Март пайремлан ятыр пӧлекым ыштенна. Сенгымаш кечыланат открытке ден пеледыш-влак ямде улыт (снимкыште). Нуным ме школысо пайремыш толшо уна-влаклан кучыктена.

Ксения КОРНИЛОВА.

Волжский район.



Фотом школ архив гыч налме.



Молан Марий Купто маныт ?

Марий Турек район Марий Купто школышто марий тўвырам, йўлам изинек пален кушкаш кумылан ўдыр-рвезе-влак тунемыт. Нуно шочмо кундемаштын поянлыкыштым шымлат. Театр постановко гоч тудын дене калыкым палдарат. «Самырык тукум» республикысе йоча усталык конкурсышто «Чембылат илем але кушеч Марий Купто тўнгалын» легендым модын ончыктеныт да кумшо верым сенген налыныт. Тиде «Волшебное слово» школ театрын (снимкыште) лектышыже. Тудым И.З.Ухова вуйлата.

– Икмыняр ий ончыч «Мари-Купта вчера и сегодня» кугу альбомым чумыренам. Тушто карт кугыза, кумдан палыме еҥ-влак, клуб, книгагудо да моло нерген поян уверым муаш лиеш. Школыштына журналист-влак Наталья Ямаева, Эльвира Терентьева, поэтессе Ирина Закиева, мурызо-шамыч Снежана Орлова, Анита Феоктистова, ялозанлык шанче кандидат Василий Хлебов, филологий шанче кандидат Валентин Васильев, КПСС Марий обкомын икымше секретарьже Иван Гусев да ятыр молат тунемыныт. Ме нунын дене кугешнена, – оила Ираида Зиновьевна.

Поян историян ял молан лач тыге маналтеш, палаш онай лие. Вашмутым муым. XVI курым тўналтыште марий калыкым Озан вел гыч татар хан ишен, вес вел гыч – руш кугыжа. Марий-влак тале сарзе лийыныт гынат, кок могырым ишымым чыташ куштылго лийын огыл. Тиде



жапыште Чембулат лужавуй, ешыжым, родо-тукумжым поген, ты кундемашке толын улмаш. Тыште йырым-йыр куп лийын. Икана руш толын да йодын: «Тыгай ялже кушто?» Марий пörьен рушла кутырен моштен огыл да тыге вашештен: «Там, где куп-то». Тыге ялым Марий Купто манаш тўнгалыныт.

– Ялна куд уреман. Кок кевыт, мотор кугу школ улыт. Марий Купто воктеч

Куптинка эҥер йоген эрта. Ожно Кужважка маналтын. Ялыштына ожно руш-влак иленит гын, кызыт марий калык икте-весеылан польшкален, келшен, йўлам шуктен ила, – мугланымашке ушнышт йоча-влак.

Ялыште марий шўлышан ўдыр-рвезе-влак кушкыт гын, Марий Куптын ўмыржō кужу лиеш манын ўшан уло.

Х.АЛЕКСАНДРОВА.
Авторын фотожо.

Шочмо вер

Мо тыгае шочмо вер?
Тиде сурт, ава, ломбер,
Ош куэр, пўя да ер.
Шерге чылажат, чылт шер.

Мо тыгае шочмо эл?
Ший памашын вўдшō – эм,
Садеран чевер урем,
Шаршудан ужар корем.

Валерия ИВАНОВА.
Медведево, Руэм.

Арым

Мыйын йōратыме ерем –
Арым. Тудо яндар вўдан.
Мотор пўртүс лонгаште вер-
ланен. Изи Маршан ял вок-
теч йоген эртыше эҥер
Арымыш логалеш. Ерыш ка-
лык колым кучаш, йўшты-
лаш коштеш. Меат еш дене
ер воктене канаш йōратена.

Даниил ИВАНОВ.
Морко, Зеленогорский.

Сылне шошо

Шошо авалтен тўням,
Теле ден «кучедалмек».
Да вучен шуктен унам:
Кайыклудым, шырчыкет...

Мый ужгам шылтен пыштем,
Сылне тувырем луктам.
Шўшпык ден пырля мурем,
Мардеж ден ўпем шерам.

Кече шыратен онча,
Шупшалеш, чылтак ава.
Йомакла пўртүс конча,
Ший ден волгалтеш кава.
Е.А.СЕМѐНОВА.
Звенигово, Керебеляк.

Витле ияш пōртыштō

Чылажат шочмо сурт гыч тўналеш. Ме кугезе ковамын витле ияш пу пōртыштыжō илена. Тудо Тембал Корем урем мучаште верланен. Кугу огыл гынат, пеш шокшо да волгыдо. Тыгак кугу пōртōнчыл да чулан улыт. Тушто ме кенежлан модмо да малыме пōлемлам ыштенна. Шочмо ялем да суртем эн шерге улыт.

Шернур, Кукнур.

Варвара МИХАЙЛОВА.

Ял вет тиде кинде-шин-
чал веле огыл. Илыш
рўдывожыс тудо.
А.АРСАК.

Тыныслыклан тауштат

Памятникым да исторический верлам аралыме тўнямбал кечын Волжский район Пётъял школын 8-ше классыштыже тунемшевлак (снимкыште) Учимсола школ воктенысе обелиск, Ёлыл Азъял ялысе озадыме пёртла йыр шўкым эрыктеныт.

– Кугезе кочана-влакын Кугу Ачамланде сар годым ыштыме подвигыштым шарнен, тыныс илышым пёртылттымьыштан тауштен, поро пашашке ушненна. Сар кажне ешым авалтен, садлан кугезына-шамыч ончылно порысна уло. Памятник, обелиск йыр шўкым эрыктен, ме нунын дене чонна дене кутырена. Тыге шочмо кундемнат тўзлана, – ойлат ўдыр-рвезе-влак.

Н.ВАСИЛЬЕВА.



Фотом школ архив гыч налме.



Корамас кундемем

Уремыште шогем мый,
вершорем ончен.
Шуко ял кокла гыч
шке ялым ойырем.
Пасуэш шаралме
ужар постом, шонет,
Олык мёржө тамле –
тидыже чонет.

Чодыра помышеш
вўчкалтат тый, ялем,
Ах, поян пеш улат
емыжлан, раш палем.
Ал саскатым уэш
мый тамлен ончалам.
«Корамас кундемем,
кугешнем!» – мый
манам.

Настя МИХАЙЛОВА.
Волжский,
Кугу Корамас.

Шокшо помышан ялем

Шочмо ял, шочмо сурт – тиде мемнан шокшо пыжашна. Нимо деч шерге, мотор да лишыл. Мыйын шочмо ялем – Памашсола Вончўмбал. Тудо сылне верыште шинча. Тораште огыл чодыра гўжлен шога. Тудын поянлыкшым теле гоч тамлена. Вончо энгер серыште кенежым колым кучена. Яндар памашын вўдшө эн тутло. Изи ялыштем калык келшен ила. Пашаш коштыт, вольыкым ончат. Мый ялем дене кугешнем. Школым тунем пытарем гынат, эре толаш тўналам.

Николай ЯКОВЛЕВ.

Морко район.



Василиса ИВАНОВАН сўретше.

Медведево, Руэм.

Лишыл чылажат

Ме ялнамоткоч йоратена. Тудо сылне верыште верланен. Йырым-йыр – ужар чодыра, кумда олык, шурно пасу. Асфальтан да ужар шаршудан ялыште пашаче калык ила. Ялна кажне ийын кушкеш, тўзлана. Тошто школышто тоштерым починыт, тўрлымө цех пашам ышта. Умбакыжат йоратыме ялна моторештеш, да самырык ен-влак шочмо вершорыштым коден огыт кай манын ўшанена.

Александра НИКОЛАЕВА, Софья ПЕТРОВА.
Морко, Шлань.

Шулдырдымо кайык
кайык огыл, пачаи
уке – ял уке.

Ший памаш


Токтарсола ялна йыр вич памаш йыргыктен йога. Икте тушко яндар ший вўдлан ошкеда, весе – эмлалташ, кумшо – тувыр-йолашым шўалташ. Мый гын вўд йогымым кунар ончем, тунар кумылем нўлталтеш. Ме, школышто тунемшевлак, памаш йыр арулыкым ий мучко эскерена. Пеледышымат шындена. Тек памашна курымла дене ялысе калыкым куандара.

Родион НЕБОГАТИКОВ.
У Торъял, Токтарсола.

Кроссворд

1. Курыкмарий районышто верланьше курык.
2. Онгыр гай койшо пеледыш. «Йошкар кни-
гаш» пуртымо.

3. Йоча серызе В.Крылов могай ялеш шочын?



4. Эн келге ер.
5. Семмастар. Йошкар-Олан ик уремже тудын лўмжым нумалеш.

6. «Ямде лий» газетын ончычсо редакторжо, серызе Г.Алексеев могай ялеш шочын?

7. Эн кугу район.

Е.СЕРГЕЕВА ямдылен.

Доч төрзатмы,
мүндыр тос!



Шонанпыл түсан пайрем

Марий Эл Республикасые Түвыра, печать да калык-влакын пашашт шотышто министерствын, «Кугарня», «Ямде лий» газет редакций-влакын пашаенгышт мўндыр, но лишыл родо-влак дене уна лийынна. Ты гана Башкортостан Республикасые Мишкан районысо Чорай, Ирсай школлаште тунемше да туныктышо-влак дене вашлийын мутланенна. Кугу пайрем Мишкан селасе Марий историй да түвыра рўдерыште эртаралтын. Кумылан кажне ег, шочмо калыкшын вургемжым чиен, рўдерыш Почмо омса кечыш вашкен. «Башкортостан — наш дом родной» фотоончерысе пашашт шотышто министрствын, «Кугарня», «Ямде лий» газет редакций-влакын пашаенгышт мўндыр, но лишыл родо-влак дене уна лийынна.

Мари йыжык йон пуалтын. Ме, Марий Эл гыч мийыше уна-влак, Мишкан селасе полилингвалык аклаш йон пуалтын. Ме, Марий Эл гыч мийыше уна-влак, Мишкан селасе полилингвалык аклаш йон пуалтын. Ме, Марий Эл гыч мийыше уна-влак, Мишкан селасе полилингвалык аклаш йон пуалтын.

Тагасымашке марий вургемым ямдылыше индеш кидмастар ушнен. Кажныже мотор да ойыртемалтше марий вургемже дене кугешнен. Нунын коклаште тўрлызў Л.М.Шамаева ден ургызо О.П.Изибаева лийыныт. Людмила Михайловна ден Ольга Павловна пашаштым снимкыште уждыда.

— Мый авамлан кўра ургызо лийынам. Тудым ончен ургаиш тунемынам, — оила О.П.Изибаева. — Кызит авамын пашажым умбакыже шуем. Ожнырак тасмам пыштыман марий тувыр-влакым ургенам гын, кызит

у сына-
ны м
келыш-
тарем.

О.П.Изибаева шым ий ончыч Л.М.Шамаева дене

пырля пашам ышташ тўналын: иктыже тўрла, весыже тувырым урга. Людмила Михайловна кудымшо классыште тунеммыж годым кидпашалан шўмангын. Кызит марте тўжме утла марий тувырым тўрлен.

Кидмастар-влак кугыен-шамычлан веле огыл, йоча-



лан келшыше марий вургемымат ямдылат. Йоча ансамбльыш коштшо ўдыр-эргевлакым чиктен шогалтат. Тыршымышт арам огыл конкурсышто «Авторский костюм в народном стиле» танасыште кокымшо верыш лектыныт.

Л.ГРИГОРЬЕВА.

Марий рвезе улам

Марий Эл воктене верланен ялем, Сылне, чапле, ямле шочмо Шопкерем. Мый марла чатканак мутланаш тыршем Да марий улмем ден пешак кугешнем.

Тўрлў йылме дене мые мутланем, Англичанла, татарлат изишак ойлем. Йочалан, самырыклан, кажне шонгылан «Сай улыда?» саламлалт манам.

Шочмо элым уло чон ден йўратем Да марий пайремым мые пайремлем. Пиалан улам мый. Йодыда: «Молан?» Шочмо калыкемым эргыже улам!

Кирилл ШАМУКАЕВ.

Татарстан, Муслюм.



Эртак тудо лишыл,
Тулото гай шокшо,
Мылам шочмо вер,
Шочмо эл!

А.ТИМИРКАЕВ.

Шочмо мланде, шочмо вер,
Шерге, сылне, пуйто шер.
Тыште куанен илем,
Ача-авамлан тауштем.

Даниил РОДЫГИН.
Татарстан, Кукмара, Уял.

Эн вучымо

Шошо, чевер шошо! Тудо уло тўням куандара. Кўсенешыже юзо вийым, пўлекым, нўшмым, мотор илышым, яндар южым конда. Шошын кугу йолташыже — кече. Тудо яндар кава гыч шыргыжал ончалеш. Шемгорак, шырчык, турий да моло тўрлў кайык шокшо вел гыч чонештен толыныт. Пушенге-влак койын ужаргат. Вашке мотор ўдырла кояш тўналыт. Чодыра, пасу, олык, ял мучко шошо коштеш да пеледыш, шудо кичке-влакым шава. Чыла лукышко шенын пура да малыше янлыкым, копшангым кыненлта. Пўртўсым помыжалтара, илыш вийым пуа. Эх, шошо — эн вучымо пагыт.

Наталья ИШМАНОВА.

Татарстан, Агрыз, Буймо.

М

Айвер — вургем.
Тенгыл — пўкен.

Мутерым филологий шанче кандидат А.А.ИЛИЕВА ямдылаш полшен.

Пүртүс помыжалтеш

Шошо – пүртүсын эн сай пагытше. Пүтынь мланде помыжалтеш. Кече утыр ырыкта, мландым кошта. Шокшо вел гыч кайык-влак чонештен толыныт: пыжашым оптат, игым луктыт. Сылне мурышт дене шыже марте куандараш тўналыт. Шижынат от шукто, лышташ ужарга. Ты пагытыште кузе мўнгыштў шинчет?!

Алёна ЧАПИШЕВА.
Волжский, Сотнур.

Синквейн

Компьютер
Кугу, ушан.
Полша, куандара, кандара.
Мыланем пеш келша.
Ўзгар.
Регина ГРИГОРЬЕВА.
Морко, Энерсола.

2 май – Ака-шольо-влакын кечышт.



Сўретым чиялтыза.

Кайыкклан – пўрт



Фотом школ архив гыч налме.

Морко район Купсола школ пеленысе йочасадын кугурак группыш коштшо икшыве-влак ача-авашт дене пырля шырчык омартам ыштеныт. Тудым школ деч тораште огыл верланыше отышто веранденыт. Ныл омарташкат кайык еш илаш пурен. Йоча-шамыч шулдыран йолташыштым эскераш коштыт.

Е.И.ИВАНОВА.

Кажныже пиалан

Кажне айдеме шке се-мынже пиалан. Мыят шкемым пиаланлан шотлем. Пеленем эн лишыл да йоратыме енем-влак улыт. Тиде ачам, авам, изам-шамыч. Нуно мыланем эре полшат. Шергакан айдемем-влак таза улыт гын, мыланем кугу куан. Адакшым вуй ўмбалне тек эре яндар канде кава лиеш. Тидыже эн шергакан да кўлешан.

Ксения БОГОЛЮБОВА.
Морко, Коркатово.

Палаш онгай

1 май –
Почто
маркын кечыже.
Российште икымше почто марке 1858 ий 1 январьште лектын. Сўретым Франц Кеплер кельштарен. Тўнямбалне ужалымашке 1 майыште луктыныт.

Калык пале

➡ Куэ лышташ шарлыме годым пасум курал.
➡ Пасушто рокым кормыжтен налыт да ваче кўкшыт гыч ўлык кудалтат: шалана – ўдаш лекташ йўра, уке – эше ондак.



Ксения КОРНИЛОВАН сўретше.
Волжский, Пўтъял.

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://t.me/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влакклан)
Сайтын адресше: yamdelii.ru

УЧРЕДИТЕЛЬ:
Марий Эл Республикысе
Культур, печать да
калык-влакын пашашт
шотышто министерстве.

Газетым редакцийште
погымо да версталыме,
«Марий Эл Республикысе
Правительствын типографийже» ООО-што ямде
оригинал-макет гыч савыктыме. Типографийын
адресше: 424000, Йошкар-Ола, Комсомольский урем, 112.

Газетым Кыл, информационный
технологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер – ПИ № ТУ52-01335,
2021 ий 29 сентябрьште пуымо.

0+

Печатьш пуымо жап –
14-00,
фактически – 13-00

Авторын да редакцийын шоны-
мышт тўрлў лийын кертыт. Серыш-
влак мўнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооружённый
Вийын 70-ше идалькше урем, 20-шо пўрт.
Тел. 8(8362) 45-22-82(факс).



Александр АЙМАКОВ – шольжж-влак дене. Йошкар-Ола.



София КОРОТКОВА. Советский, Кугу Руясола.




Яна ден Глеб ГЕРАСИМОВМЫТ. Марий Турек посёлко.

? Ёстембалне карандаш, ручка, линейке да циркуль кият. Тыланда онгым суретлаш кӱлеш. Мо гыч тӱналман?

Вашмут: эн очыны кагазым ямдылыман.

Тыште мынар онго, треугольник да квадрат улыт! Кычалза.



Кӱ могай шарым кучен!



Саска-влакым муза.

О	П	У	Н	Ш	О	П	Т	Ы	Р
Н	Р	М	О	Д	О	Л	П	Л	Ш
О	Т	И	В	И	Ш	Н	Е	М	Е
Ш	О	О	Л	М	А	Ӗ	Т	В	М
Ш	М	У	С	Н	Е	Г	Е	Г	Ш
О	Н	Ы	Р	Э	Н	Ы	Ж	Т	О
П	О	К	У	Г	Ы	М	Ӗ	Р	П
Т	И	М	Ь	Я	М	С	Ӱ	Ф	Т
Ы	В	И	Н	О	Г	Р	А	Д	Ы
Р	Б	Т	М	И	Р	Г	А	П	Р

Даниил РЕПИН. Советский, Ӗрша.

Йолташет дене тагасе. 1 гыч 25 марте числа-влакым кӱ писынрак муэш?



Луан числа дене «ошкылын», лабиринтым эртыза.

Интернетысе сурет-влакым кучылтмо.

10